

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Jngolstadij XI.Aprilis anni pre=sent[is] vicesimiquarti.
publica disputacione p[er] Sacre theologie. professores,
examniabuntur**

Seehofer, Arsacius

[Augsburg], [1524]

VD16 I 192

Asertiones Cristiane de Charitate

[urn:nbn:de:bsz:31-291005](https://nbn-resolving.org/urn:nbn:de:bsz:31-291005)

secretum esse. facile ostendi possit. atq; Paulus ipse vnam
ab altera discernat.

Assertiones Christiane de Charitate.

Finis precepti secundum Apostolum. est charitas. ex
puro corde. conscientia bona. et fide non ficta. 1

Vani loquuntur. non veritas est. adserere. Chari-
tatem nil aliud esse. quam motum cordis qui diligere dicitur. 2
contra Lutherum.

Hereticum commentum. fidelibusq; periculosissimum. ad-
serere cum Luthero. internum opus dilectionis. a solo
deo esse. citra ullam nostram actuitatem. 3

Nam quod maximum est preceptum in lege. diliges domi-
num deum tuum ex toto corde tuo. ex tota anima tua. ex
tota mente tua. ex omnibus viribus tuis. et proximum sicut te
ipsum. id nullus sanctorum unquam (ut viatorum par est) im-
pleuisset. nec implere potuisset. si voluntas nullam haberet
in eo opere functione quod impissimum quis non exequatur? 4

Omnes infideles. peccatores seipso fruantes. excusati-
onem iustam pretereere possent. in extremo iudicio quot non
credidissent sperassent aut deum super omnia dilexissent. quod
motus illi interni a solo deo producendi. nequaquam in eo
numerant facultate. neque ad hos esse suscipiendos aliqua pre-
paratione se se abiles facere potis fuissent. quod veritati
euangelice imprimis inimicum est. 5

Non recipimus eos sed tanquam hereticos perfidos
respuimus. qui fidem charitate faciunt superiorum. cum apo-
stolus clare proclamet. Maior autem horum charitas. 6

Porro hallucinantur. qui charitatem fidei prole. falso
substituunt. in gloriosum Paulum. atque ipsum Christum sal-
vatores nostrum blasphemant. 7

Solus Christus est filius dei naturalis. genitus non fac-
tus. neque adoptatus. contra Arrium. Eunomium. et con-
plices eorum. 8

Sunt tamen multi dei filii adoptivi. quos non sola fides sed
9

sed maxime Charitas. in cordibus nostris per spiritum sanctum diffusa. adoptat. que vel potissimum discernit inter regni et perditionis filios. non ipsa fides.

- 10 **¶** Dei patris filius legitimus non est. imo adulterinus. qui solo verbo eius credit. is autem verus filius censetur. qui precepta patris inuiolabiliter custodit.
- 11 **¶** Vestis illa nuptialis. cuius dominus in euangelio meminit que sanctorum gloria nos dignos facit et agni. dei et proximi caritas est. nequaquam fides. quod Paulo teste. euacuabit.
- 12 **¶** Multi hodie ob fidem. dei filii existimantur. verum his. quod patris mandata non seruant. dominus in iudicio dicitur esse nunquam noui vos. discedite a me qui operamini iniquitatem.
- 13 **¶** Nos magnus ille Paulus. vere organum electum. et agens aque graphice depingens. confitetur inquit. se nosse deum. factis autem negant. execrabiles inobedientes et ad omne opus bonum reprobi.
- 14 **¶** Verum est sapientis dictum. nemini constare. odio enim amore digni sit. reuelatione tantum diuina. sancti non raro se in gratia viuere cognouerunt.
- 15 **¶** Multi veste nuptiali induti veram dei charitatem habent. certi tamen non sunt se amore dignos esse.
- 16 **¶** Recte docent Theologi. nullum opus sine dei charitate bonum esse. docent et iterum recte nos latere. quando simus in charitate.
- 17 **¶** Charitas est iustitia anime luy. pacis vinculum. fratrum concordia. nihil comertii habes cum iniustitia. peccatorum tenebris. cum Belial rigarum parente. atque fratrum odio.
- 18 **¶** Bonorum operum. que ex charitate promanant. predicatio nihil omnino vel fidei. vel misericordie dei gratuite. vel Christi euangelio. per ipsum et apostolos suos. hominibus diuulgato officit. contra Lutherum. Quin imo. pia opera. mirum in modum fidem. dei misericordiam. at-

que euangelicam veritatem declarant cōmendant. ac sus-
sistentant. citra qz. fidem mortuam esse. gratiam inanem
et euangelium sine prole. luce meridiana clarius constat.
oppositā tuncari partem. heresis est Aeciani per ecclesiam
sanctam dudum damnata.

Epilogus de Charitate.

Cum charitas dei. summa sit legis diuine. in primis deo 19
placita. per Christum seruatorem nostrum. et apostolos
sanctissimos credentibus toties predicata. qz veros Chri-
sti discipulos a falsis segregat. in cena vltima. ab ipso do-
mino iam iam ex hoc mundo ad patrem ituro. A postolis
ipsis exactissime commendata. citra omne etiam offendi-
culum. magno animarū comodo plebi denuntiari pos-
sit. Quid cause obsecro. quisue malus ille demon. nouos
euangelij Pistologos. hac nostra tempestate impulit. ac
in fatuauit. vt solam fidē sine bonis fructibus. misero po-
pello. inter concinandum proponant. equorum concioni
bus temerarijs ire. rixę. detractiones. blasphemie. et totę
offendicula. toto fere orbe nascuntur. vt haud facile sit
Christianum hominem a fera indomita. at qz etnico im-
pissimo. discernere. adeo vita eorum. a pietate et man-
suetudine euangelica. micissimi Christi dissitet.

Collatione legis Mosayce et euangelice. ex scrip-
turis sacris desumpre contra Blateronē quendam.
qui erroneo spiritu ductus omnē legem indiscri-
minatim. etiam Christi sacro sanctā Euan-
gelicam. literā dici. posteriore Pauli episto-
la ad Corintheos. perperam in-
tellecta. contendit.